



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

19 Maji. 14 Kal. Junii.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

S. MARIA, qua B. Felici tuum
 Filium in sinu collocasti, & morientem
 ad calum invitasti. Fac, ut JESUM ita
 ardente sinu accipiam semper in Eu-
 charistiâ, quasi tuum verè Parvulum
 in cor mihi tu ipsa porrigeres!

19 Maji. 14 Kal. Junii.

Sancte Petre Cælestine, qui, inter
 prima infantia tuæ verba, dice-
 bas matri: *Volo esse bonus servus Dei;*
 quem ad scholas missum esse, glo-
 riosus è caelo parens laudavit; cui
 in studiis JESUS è Cruce se magi-
 strum, Angelos verò morum, &
 studiorum præceptores dedit, qui
 etiam te fortè decurrantem plecte-
 rent; quem oculis, ac aliâ ægrum
 MARIA sanavit: qui orando con-
 sopitus, Angelorum Sanctorumque
 agmen, & in singulorum ore singu-
 las rosas rubras vidisti, cælesti quo-
 que musicâ recreatus: quem Abbas
 mortuus, à te consultus, hortatus
 est, ut divinum sacrificium cum re-
 verentiâ celebrares; & Christus
 monuit, ne ab eo celebrando abs-
 tineres, ob eas sordes, quæ, in so-
 mno, etiam castis corporibus pos-
 sunt, animo invito, accidere: cui
 & studenti, & demum post abdicat-
 tum,

tum, singulari omninò exemplo, Romanum Pontificatum, morientis, Angeli applausere, teque ad magistrum JESUM, ac MARIAM duxere, cujus animam cum in cælum ferri videret quidam, peteretque consilium, *quid sibi agendum esset?* ei sanctum silentium suafisti. Doce me tacere ac loqui, doce orare. Ora pro me, ut magistro JESU, ac Angelis bonis ita obediam, *ut sim bonus Dei servus*. Ita à magistro meo JESU sciam vivere, ac mori, prout ille me è cathedrâ Crucis docuit vivens, & moriens. Amen.

S. Pudens, Romane senator, qui ab Apostolis baptizatus, innocentiae tunicam, ad vitæ usque coronam, immaculatè custodivisti.

S. Pudenciana Virgo, S. Pudentis filia, quæ opes tuas omnes Martyrum, ac pauperum obsequiis impendisti.

Sancti Calocere, & Partheni, primates aulici, Martyres.

S. Philotere, Martyr.

S. Cyriaca, cum aliis quinque Virginibus, Martyr; quæ direlata, igne tandem cremata es.

S. Dunstane Archiep. piâ musicæ arte præstans, cujus cithara divinitus ultrò sonans, hæc verba reddebat:

bat: *Gaudent in calis anima Sancto-
rum, qui Christi vestigia sunt secuti!*
qui orans, patrem tuum, & matrem,
postea èt amicum, in cælo gaudere
vidisti: cùm Religiosus otium fu-
geres, & in cubiculo laborares, An-
gelos psallentes audisti: qui San-
ctos Petrum, Paulum, Andream,
gladiis, aureo caractere inscriptis,
armatos vidisti; Andream etiam ca-
nente: *Tollite jugum meum super vos,
& discite à me; quia mitis sum, &
humilis corde, & invenietis requiem
animabus vestris.* qui Regi Deo,
nuptias in cælo celebranti, canere
jussus, cùm nescires, hæc ab Angelo
canere didicisti: *O Rex gentium, do-
minator omnium, propter sedem maje-
statis tua, da nobis indulgentiam, Rex
Christe, peccatorum. Alleluja!* à quo
ejectos Clericos parùm pudicos,
cùm Rex restitui peteret, Crucifixi
imago tibi respondit: *Non fiet; non
fiet. Judicâstis benè; mutaretis non
benè.* qui Angelorum, & Sancto-
rum omnium choris præsens, MA-
RIAM etiam, cum Virginum choro,
ad templum ducem, & comitem
habuisti: qui à Cherubinis & Sera-
phinis, auro coronatis, ad cælum
invitatus, *sabbato* moriens, visus es,
una cum lectulo, ferri in cælum:
qui

qui negligenti, tepido, & è religio-
ne fugam meditati Religioso,
post mortem apparuisti, atque dixi-
sti: *Vis deserere matrem tuam? Ego
tali viâ non perueni ad Deum.* Doce
me orare; excita me à torpore; ut eâ
viâ, quâ tu, quâ Sancti reliqui, ad
cælum perveniam.

S. IVO, qui per septem dies con-
tinuos orâsti, nil comedens; qui
aquas signo Crucis divisisti; vidua-
rum, pupillorum, & pauperum
sancte ac ingeniose advocate; Ju-
risconsultorum, ac Judicum, ni
perire velint æternum, exemplar;
qui orando panes auxisti; energu-
menos, & ægros curâsti; incendium
extinxisti; aquas, ut per illas me-
dius cum famulo ire posses, divisi-
sti; Angelum, in specie pauperis,
pavisti.

OMNES SANCTI, &c.
pag. 320.

S. MARIA, qua S. Petrum Cæ-
lestinum, unâ cum S. Joanne Evan-
gelistâ, visisti, dum librum lectitaret.
*Doce me ita sancta legere, ut ea legi
à me tu vis!*

20 Maji.